

TUR COS TA CLA PA ARUBA PIANO FESTIVAL

Corte a duna Stichting Crescendo aprobacion pa sigui cu e concierto!

STA. CRUZ--Turcostaclapa Aruba Piano Festival. Ayera tardi tur cos a keda confirma, despues cu Corte a duna gana na Stichting Crescendo cu nan Piano Festival por continua. Manera ta conoci, e Stichting aki a encontra algun problema encunto permiso pa e musiconan cu lo mester presenta durante di e festival. Sinembargo tur cos a keda regla, y e concierto tan spera aki ta continua oa asina henter Aruba por goza di musica cu calidad hopi halto y cu musiconan hopi talentoso tanto local como internacional. Entre 22 y 28 di September, pa un siman largo, e Aruba Piano Festival ta bay tuma lugar. Stichting Crescendo, cu ta organiza e evento aki, a invita 14 artista internacional pa duna presentacion na Aruba. Ta trata di musiconan renombra cu a gana varios premio internacional y ta toca den e salanan mas prestigioso na mundo manera Concertgebouw na Amsterdam, Teatro Colon na Buenos Aires, Warsaw Philharmonic Hall y Carnegie Hall na New York.

RECITAL: Tur anochi e artistanan internacional lo presenta un recital (concierto) cu un tema unico: Sounds & Rhythms of the World (dialuna), An Evening of Russian music (diamars), An Evening of Antillean music (diaranson), An Evening of German music (diahuebs), An Evening with Brahms (diabierna), An Evening of French music (diasabra) y PianoMania (diadomingo).

E recitalnan ta tuma lugar na Cas di Cultura pa 8' or di anochi y ta dura mas o menos 2 ora. Entrada ta 25 florin.

MUCHA: Tur mucha bao 12 aña di edad por bishita e festival gratis, si e ta wordo acompaña door di un adulto. Tambe lo tin un programa special pa mucha entre 7 cu 11 aña. E programa yama "Het geheim van de strijkstok / The Horse's Secret" y ta cuminsa pa 3'or di atardi. Tin dos (2) funcion: diamars 22 September na School di Arte (idioma: Ingles) y diarazon 23 September na Access Art Gallery (idioma: Hulandes). Pa mas informacion tocente e programa aki, por bishita e website: www.arubapianofestival.com. Entrada ta gratis.

CRESCENDO PIANO COMPETITION 2008: Un parti importante di e festival ta e "Crescendo Piano Competition 2008". Den e competencia aki, pianistanan hoben (entre 8 y 18 aña) di Aruba ta demostra nan talento. E competencia ta cuminsa cu un preliminary den dos categoria: 8 te cu 12 aña y 13 te cu 18 aña. Den e preliminar, tur participante ta haya 5 minuut pa presenta un (1) obra. Di cada categoria, un maximo di res (3) participante lo avanza pa e finalenan. Den e finale no tin diferente categoria mas, y e participantenan ta haya 10 minuut pa toca dos (2) obra. E obra cu a wordo toca den e preliminar no por wordo ripiti den e finalenan. E ganador di e Crescendo

Piano Competition 2008 ta ricibi un beca di Aruba Scholarship Foundation na valor di Afl. 2500 pa participa como estudiante den e "Festival y Academia del Nuevo Mundo" na Maracaibo. E preliminar ta bay tuma lugar ariba diasabra 27 di September y e finals ariba Diadomingo 28 di September.

MOZART MATINEE: Ariba diadomingo 28 di September tin un Mozart Matinee na Cas di Cultura. E matinee ta ideal pa bishita cu henter famia. Estudionan científico a descubri e "Mozart Effect": a wordo señala cu temporalmente e IQ ta bira mas halto despues di a scucha e musica di Wolfgang Amadeus Mozart. E programa ta cuminsa pa 11'or di mainta y entrada ta completamente gratis.

TICKETS: Tickets pa e

evento aki ta obtenibel na Plaza Bookshop y tur Van Dorp & De Wit stores na Aruba.

FESTIVAL PASS: Tin e oportunidad pa compra un "Festival Pass" na valor di 125 florin. Cu e pass aki, por bishita tur concierto y e competencia di piano. Tambe, especialmente pa hubentud entre 13 cu 23 aña di edad, e organizacion ta ofrece un "Youth Pass". Mescos cu e Festival Pass esaki ta duna acceso na tur e recitalnan y e competencia di piano. E Youth Pass ta costa solamente 75 florin.

PATROCINADORAN DI APF 2008: Cu e Aruba Piano Festival ta un evento di clase y calidad, ta muestra den e sosten grandi cu e ta haya di e siguiente patrocinadornan: UNOCA, Prins Bernhard

Cultuurfonds, R.E. Yrausquin & Sons, AIB Bank y Aruba Timeshare Association. Otro sponsors y Friends of the Festival ta: CHS, VNO, Aruba Scholarship Foundation, SETAR, Toyota Car Rental, Romar Trading, PriceWaterhouseCoopers, Gamma Research, Sport Caribe, Clyde Harms, Biblioteca Nacional, Margaret Hage, Aruba Tourism Authority, HYATT y Ling & Sons.



Aruba, nos cuminsa den un ambiente unico di fin di aña preparando pa fin di aña. Boso tur sintonise pa 22 aña consecutivo na Mi Fm 107.5 presenta pa Cecilito Lopes no perde e edicionan, wak pabo tin un bela blanco pa nos por trece paz, alegria, y hopi amor pa nos comunidad Arubano, no perde corda semper cu den temporada di fin di aña nos ta recorda tur esnan cu no tey mas cu nos, nos hendenan special, nos hendenan menos afortuna y mas danki especial ta bay tambe na tur nos bon comerciantenan cu ta cooperando cu nos, pa nos celebra nos fin di aña super bon y especial cu Preparando pa Fin di Aña. Cuminsando pa 9'or di mainta te 12'or merdia bo tin un cita cu nos na Mi Fm 107.5 sintonise. Sanirumba Productions

PA TUR SORTO DI MAPA

Architectenburo ABJL & Partners
Puntra pa Arquitecto Greg of Jozef.
Nos ta experto den 3 D presentatie.
Jama pa info, tel 5823972, 5925202.
Email: greg@abjl.com.
Oficina na Paradera # 3-A, Aruba.

